



Senen, 28 Oktober 2024
Ogen: Masmur 144:12



Anak Perana Singuda-nguda



Mbelin kal arapen orang tua nandangi anak-anakna si dilaki ras si diberu tupung ia nguda. Si dilaki bali min desken batang kayu si turah alu megegeh. Si diberu jadilah tiang si ihiasi i bas suki-suki istana. Enda pemindon pемasmur man Tuhan. Batang kayu si megegeh ertina paguh, la murah mbulak amin reh angin kalingsungsong, megegeh ras terandalken i bas dahin-dahin si mbelin. Tiang si ihiasi i bas istana e gambaren mejile, sikap man tatapen, inganna i istana raja. Masa depanna cukup mehuli. Enda me perayaken ras sura-sura kerina orang tua.

Pencipta lagu 'bangun pemuda Indonesia' e me Alfred Simanjuntak, ngajuk kerina singuda-nguda ras anak perana muat bagin i bas perjuangan mbebaskan Indonesia arah jajahen kalak Jepang nari. Iajukna gelah anak-anak Indonesia ertanggungjabap nandangi negara ras bangsa enda. Bangsa ras negara enda milik anak si nguda. Bali ras arapen pемasmur bage pe orangtua ndai gelah anak-anakna kerina lit masa depanna si mehuli. Si e kerina arus iperjuangkan gundari nari. Anak si nguda pe arus ikut erjuang kerna si e. Man anak si nguda tetap perlu iajarken kerna tanggungjabapna ngisi kemerdekaan enda. Lit min karakter si mehuli i bas anak-anakta e. I bas bait si peduaken A. Simajuntak ngatakensa: *jujur, ikhlas, kerja keras, hati teguh dan lurus, pikiran jernih, dan bertingkah laku halus*. Enda me si harus lit i bas anak si nguda lako mperjuangkan negara ras bangsa enda. Perlu kap enda iulih-ulihhi ningetkensa man anak-anakta, jadi sada pengajaren gelah tersuan i bas pusuhna negara enda ia empuna arus ipekenakena alu karakter si mehuli.